



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Divi Bambergenses S. Henricvs Imperator S. Kvnegvndis
Imperatrix S. Otho Episcopvs**

Gretser, Jacob

Ingolstadii, 1611

XI. De literis ipsius Apostolici Ecclesiae suæ ipsum commendantis.

urn:nbn:de:hbz:466:1-41527

De literis ipsius Apostolici Ecclesie sue
ipsum commendantis.

CAPVT XI.

Pontifex com-
mendat Otho-
nem Bamber-
gensibus.

Paschalis Episcopus seruus seruorum Dei,
venerabili fratri Ottoni Babebergensi E-
piscopo salutem & Apostolicam bene-
dictionem.

1. Cor. 13.



Charitatis proprium est bonum, congaudere pro-
fectibus aliorum; charitas enim non quarit
quæ sua sunt. Unde & Apostolus, tunc ait; Vi-
uimus, si vos statis in Domino. Et iterum;

1. Thess. 2.

quæ est enim nostra spes, aut gaudium, aut corona glo-
riæ? nonne vos, ante Dominum nostrum Iesum Chri-
stum? Hoc igitur charitatis debito prouocamur, & Aposto-
lica sedis auctoritate compellimur hoc nomine debitum fratri-
bus exhibere, & S. Romana Ecclesie dignitatem pro suo cuiq;
modo ceteris Ecclesiis impartiri. Idcirco venerabilis frater,

Pallium conce-
ditur S. Othoni.

Vbi & quando
seruandum.

Otto Babebergensis Episcopo, dilectioni tuae pallium ad sacra
Missarum solennia celebranda concedimus; quo nimirum
fraternitas tua intra Ecclesiam tantum uti nouerit, illis so-
lennibus diebus, quos præsens descriptio continet; videlicet, die
sancto Resurrectionis Dominica & Pentecostes, item Natiui-
tatis Domini nostri Iesu Christi, & in natalitio SS. Apostolo-
rum Petri & Pauli, in solennitate S. Dionysii Martyris, anni-
uersario etiam tua consecrationis die, & dedicationibus Ec-
clesiarum: cuius nimirum pallij volumus te gratiam per om-
nia vindicare. Huius siquidem indumenti honor humili-
tas atq; iustitia est.

Tota

Tota ergo mente fraternitas tua se exhibere festinet in prosperis humilem, & in aduersis, si quando eueniunt, cum in sua erectam, amicam bonis, peruersis contrariam, nullius unquam faciem contra veritatem suscipiens, nullius unquam faciem pro veritate loquentem premens, misericordia operibus iuxta veritatem substantia insistens, & tamen insistere etiam super veritatem cupiens, infirmis compatiens, benè valentibus congaudens, aliena propria deputans, de alienis gaudiis, tanquam de propriis, exultans, in corrigendis vitiis piè sauiens, in fouendis virtutibus auditorum animum demulcēs, in ira iudicium sine ira tenens, in tranquillitate autem seueritatis iusta censuram non deserens.

Hac est ergo frater, Frater charissime, pallij accepti dignitas, quam si sollicitè seruaueris, quod foris accepisse ostenderis, intus habebis. Ad hac etiam Crucis vexillum intra Ba-
Quid significet
pallium. Vide
cap. 17. Sita &
Henrici, Sibi
Bullam Leonis
IX. de concef-
sione Pallij in-
uenies.
Vide etiam lib.
1. cap. 10. Sita &
An. à Camf.
Crucis prae-
ferenda potestas.

bebergensis Ecclesia Parochiam ante faciem tuam portari cōcedimus, salua videlicet Moguntia Metropolis reuerentiā, ut speciali Romana Ecclesia dignitate praeeditus, specialiter eius studeas obedientiae ac seruitiis insudare. Fraternitatem tuam superna dignatio per tempora longa conseruet incolumem, Amen. Scriptum per manum Ioannis Scriniarij Regionarij ac Notarij sacri Palatii.

Sed & reuerendo Praesuli Ruthardo Metropolitano idem Apostolicus literas commendatitias pro dilecto Patre Ottone misit in hunc se modum continentes.

